

थेसलोनिकेला वोतुप तेपा कितुपतिवाला पावलकी टिवु यिकी डियवा

दी थेपकी कोर्ला

थेसलोनिकीतिवी चर्चला ख्रीष्ट फेपुप कोर्ला ताम्डे टाम्मोक। ती ताम्डे ति फेलिन गल्नी ते छासे हराड हुरुड गाल्मोक। च्यिलासिसिन तिवी ख्रीष्ट फेपुप तुजे गोमाला के लेम वे सिनी तेपा किनोक। ती तप्की पावलकी तीकी तेन्दोकला लङ्गुपला दी यिकी डियवा ति टिवु यिन। पावलकी दी यिकीला ख्रीष्ट फेपुप गोमाला खोकी तेन्दोकला लङ्गुप ताड “ठिमला क्युर्नी ज्योकुप” छ्याकला वोतुप गोमा कितुपतिवा नेसुर मेटेड्बु लाका दुक्टातिवा वुतुड के बडी फरिन डिवी सिनी ठछ्येली सिक्या वे।

पावलकी दी यिकी रोकुपतिवाला चो दुक्पा ताड छेटाड ख्येल्सिनाड तेपा रम्बु क्यानी देतुप ताड मिजी क्योङ्गुपला खोरुड ताड खोरो दाल्जातिवी दोके नरी लाका ल्यामु क्यानी दे गोकिवी सिनी डाडेड बिन वे।

मुला राड वोतुप लोप्च्येनतिवा

- यिकीकी कोर्ला १:१-२
- सोवा ताड गोड्बा १:३-१२
- ख्रीष्ट फेपुप कोर्ला टोङ्गु २:१-१७
- ख्रीष्टियानकी च्योलाम ३:१-१५
- यिकी टिनी सिन्दा क्यावु ३:१६-१८

पावलकी टसी देलेक

१ टसी देलेक! दी यिकी ति ड पावलकी सिलास ताड तिमोथी मुला राड दाकपी पपा कोन्छ्योक ताड चोवो येशू ख्रीष्टला तेपा कितुप थेसलोनिकेकी चर्चकी मीतिवाला टिवु यिनो। २ दाकपी पपा कोन्छ्योक ताड चोवो येशू ख्रीष्ट नेसुर ख्यिराडला कटिन ताड लोदिमु वुड्शी।

ख्रीष्टकी ठिम क्या नङ्गुप कोर्ला

३ अच्युनुपतिवा, ख्यिरा थोकला ड्यिराड नरी कोन्छ्योकला थुचिछे बुल राड गोकिवी। च्यिलासिसिन ख्यिरा येशूला क्यावु तेपा ति ड्यिमा तक्पा रम्बु डोयी वे। तमा ख्यिरा च्यिककी च्यिकला मड मड ड्यिङ्ज्ये साड छासे कियी वे। ४ ख्यिराड चो छेटाड ताड शैतानकी खोकपा ल्हाप ताम्डेतिवा ख्येल्सिनाड येशूला तेपा रम्बु क्या देतुप ताड हम क्यानी देतुप तप्की ड्यिराड कोन्छ्योकला तेपा कितुप चर्चकी मीतिवी पर्ला तेके कियी वे।

५ कोन्छ्योककी ख्ये मापेवा क्यानी च्यिकपा राड ठिम क्या नङ्गिगी सिरुप पङ्बु छ्या देन्दुपला ख्यिरा तुका छेटाड ताड दुक्पा खुरुप यिन। ख्यिरा तुक क्यानी छेटाड ताड दुक्पा खुर्सिन कोन्छ्योककी ग्येल्खापला शुक् छ्योकिवी। दी ताम्डे ति ख्यिरा हाक्कोवा की। ६ कोन्छ्योक ति ठिम

टेङ्बु क्या नङ्गुप कोन्छ्योक यिन। खोकी ख्यिराडला छेटाड तेरुपतिवाला छेटाड तेर्किवी। ७ तमा ख्यिराड खोकी थोकला दुक्पा खुरुपतिवा ताड ड्यिराडला ति सेम किर्मु नङ्गिगी। चोवो येशू देवाच्येन नेमा बरुप मे ताड डार छ्येवु ओड वोतुप देवाच्येनकी लेन क्योलुप थुतिवी मुला फेपुप पेला ८ कोन्छ्योकला डो माशेवु ताड दाकपी चोवो येशूकी लेन ल्यामुला तेपा मिक्वि मुतिवाला खोकी पचर्या तोङ्गिगी। ९ तमा ती पचर्या ड्येतुपतिवा ति चोवो येशूकी मु नेसुर ताड खोकी डार छ्येवु ओड वोतुप मोवा नेसुर तेन्नी नरीकी थोकला ना तोङ्गिगी। १० चोवो येशू फेपुप तुजेला खोला तेपा कितुपतिवा तेरीकी खोला मोवा कितुप ताड सोवा देकिवी। ड्यिरा पङ्बु बिन्दुप ताम्डेला ख्यिरा तेपा क्यावु तप्की ती पेला ख्यिराड साड तिवी मुला राड वुङ्गिगी। ११ ती तप्की ख्यिराड ल्यामो क्यानी नासाम तोड। खोकी नोवा नेसुर ख्यिराडला कताड नङ्गुप दोके क्यानी मिजी क्योङ्गुप ताड ख्यिरा नासाम ताड तेपा नेसुर वुङ्गुप तेरी लाका ति खोकी डार नेसुर तेरी डुष्ठी सिनी ड्यिराड नरी दाकपी कोन्छ्योकला मोपोर किवी। १२ तुक क्यासिमा दाकपी कोन्छ्योक ताड चोवो येशूकी कटिन नेसुर ख्यिरा खोकी मिडला मोवा कितुप ताड ख्यिराडला साड कोन्छ्योक नेमा वुङ्गुप च्यम्बा ड्येकिवी।

दुक्टाकी गिपाकी कोर्ला

२ अच्युनुपतिवा, दाक्पी चोवो येशू ख्रीष्ट फेपुप ताड दाक्पु खोला ठेतुपला मुला राड जोम्बुप कोर्ला डियराड ख्यिराडला गोड्बा शोयी। २ ललाइ लुङ्तेम्बा याङ्ना ताम्डे याङ्ना ललाइ यिकी नेसुर चोवो फेपुप तुजे वा वे सिक्यासिन ख्यिराड पप साड माकी, यर्मिन मर्मिन साड माडो। ३ सी साड ख्यिराडला काङ्गी थोक्ला साड जिनोक जोनी मुलुशी। च्यिलासिसिन गोमाला कोन्छ्योककी तेन्दोकला लङ्गुप मी दिक्छेनतिवा बडी वुङ्गुप ताड ना तोड गोवु दुक्टाकी गिपा माथेन्दा सेक्ला ती तुजे ति मेवी। ४ ती ना तोङ्गुप दुक्टाकी गिपा तीकी मीतिवी सोवा देकुपला जोवु तेरी च्यालकतिवाला तेन्दुप ताड कोन्छ्योक दोके जोनी खो ज्यु वोतुप दासा चाङ्माला देनी खुरुड राड कोन्छ्योक यिन सिनी खोकी तेन्दोकला लङ्गिगी।

५ ती ताम्डे ति ड ख्यिरा मुला वोतुप पेला नेज्युनी ख्यिराडला सिक्यावु मिन रो? ६ तन्दा ती दुक्टाकी गिपा ति क्येक्नी ज्याड वे सिरुप ति ख्यिराडला छ्या राड वे। ती दुक्टा ति खोरो तुजे छेसिमा गिवी। ७ ती छ्याकला वोतुप दुक्टाकी ओडकी मीतिवाला कोन्छ्योककी सुड ड्येन मिज्यिवु लाका कियी राड वे। यिने कोन्छ्योककी पिताड तोड सिनी

मासुडा सेक ती दुक्टाला क्येक्नी ज्योकुप मी तीकी ती दुक्टा तीला क्येक्नी राड ज्योकिवी। ८ ती दुक्टा तीला पि तोङ्गुप पेला चोवो येशू दी जम्बुलिडला फेक्किवी। तमा खो फेवु पेला ग्यपुप वोसिर ताड खोकी उकी राड तीला ना तोङ्गिगी। ९ ती दुक्टाकी गिपा ति शैतानकी ओड नेसुर वुङ्गुप पेला तीकी मीतिवाला मेटेड्बु वोतुप जिम्डुल ताड त ताड हलेवु लाकातिवा छ्या देन्दुप ताड १० येशूला तेपा माक्यावु तप्की ना डोपतिवाला जिनोक छ्या तेन्गिगी। च्यिलासिसिन दाक्पुला मिजी नङ्गुप टेड्बु वोतुप कोन्छ्योकला तिवी सेमला मालावु तप्की यिन। ११ तुक कयानी तिवा जिनोक जोवु ताम्डेला तेपा किशी सिनी कोन्छ्योककी तिवी सेम ति दुक्टाला राड तेपा कितुपला पिताड ताङ्सुड। १२ तमा टेड्बु वोतुप कोन्छ्योकला तेपा माक्यानी मेटेड्बुला गा कितुपतिवा तेरीला खोकी क्येन तेर्किवी।

डेकला देतुप कोर्ला टोङ्गु

१३ यिने चोवोकी डियङ्ज्येवु अच्युनुपतिवा, ख्यिरा थोक्ला कोन्छ्योकला डियराड नरी थुचिछे बुलिन। च्यिलासिसिन कोन्छ्योककी गोमा नेज्यु ख्यिराडला खोकी थु चाङ्मा नेमा चाङ्मा जो नङ्गुपला ताड कोन्छ्योक टेड्बुला तेपा कयानी शेष ने ज्होकुपला खोकी पेन नङ्गुप

तप्की यिन। १४तीकी थोक्ला राड डियरा ख्यिराडला ख्याप्टाक क्यावु लेन ल्यामु नेसुर दाक्पी येशू ख्रीष्टकी मोवा थोपुपला खोकी ख्यिराडला कताड नङ्गुप यिन। १५ती तप्की अच्युनुपतिवा, तेपा रम्बु क्यानी डियरा ख्याप्टाक क्यावु सुड याङ्ना डियरा तङ्गुप यिकी नेसुर ख्यिराडला ड्येतुप येन्देनला युसा। १६तमा दाक्पुला डियङ्ज्ये क्या नङ्गुप ताड खोकी कटिन नेसुर नरीकी थोक्ला टोङ्गु ताड रेवा ल्यामु नङ्गुप दाक्पी पपा कोन्छ्योक ताड चोवो येशू ख्रीष्टकी १७ख्यिरा सेमला लोदिमु नङ्गी, तमा तेरी लाका ताड ताम्डे ल्यामु कितुपला ख्यिराडला रम्बु जो नङ्गी।

मोपोर कितुप कोर्ला

३ त तेरी सिनाड तिङ्गला अच्युनुपतिवा, डियरा थोक्ला मोपोर किंसा। कोन्छ्योककी लेन ल्यामु ति ख्यिरा पर्ला टम्बुप दोके टिम्बु क्यानी टम्शी, तमा दासा तेरीकी मीतिवी ताङ्देन क्यानी ड्येन्शी, २तमा सेम मेलोवा ताड दुक्टा वोतुप मीतिवा नेसुर दाक्पु पे थुप्शी। च्यिलासिसिन तेरी मीतिवा कोन्छ्योकला तेपा क्यावु मे। ३यिने चोवो याड खोङ्तेर्मु वोतुप चोवो यिन्दुप तप्की खोकी ख्यिराडला नरी रम्बु जो नङ्गिवा, तमा दुक्टा नेसुर ज्होकिवी। ४डियरा ख्यिराडला काड की सिक्वावे, ती ति ख्यिरा कियी साड वे, ती लाका ति तिङ्गला साड

किवी सिनी डियराडला छासे तेन्तेन वे। ५कोन्छ्योककी ख्यिराडला चुक क्यानी डियङ्ज्ये क्या नङ्गुप ताड ख्रीष्टकी चो छेटाड ख्येल्सिनाड हम क्या देतुप ति ख्यिरा सेमला ल्यामो क्यानी हाक्कोवुला गोमा किशी।

छेरा कितुपतिवाला टोङ्गु

६अच्युनुपतिवा, दाक्पी चोवो येशू ख्रीष्टकी मिङ्गला डियराड ख्यिराडला टोङ्गु तेरिन। छेरा कितुप ताड डियरा सिक्वावु येन्देन मेड्येन्दुपतिवा तेरी नेसुर कुतुक दे। ७च्यिलासिसिन डियरा काड क्यावे, ख्यिरा साड तुकै राड क्यानी डियरा लुमु से गोकिवी सिरुप ति ख्यिराडला छ्या राड वे। ख्यिरा मुला वोतुप पेला डियरा छेरा माक्या, ८सी समा साड तुक राड मासो, यिने ख्यिराडला कले मेख्येल्ली नोनी ड्यी ताड नुप्ज्या हुर्ताक क्यानी रङ्गी टेमु क्यानी लाका क्यायी। ९डियराडला ख्यिराड नेसुर दाल्जा ड्येतुप ओड मेतुप याड मिन, यिन्सिनाड ख्यिरा डियरा क्यावु दोके क्यानी डियरा लुमु से गोकिवी सिरुप ति ख्यिराडला हाक्कोशी सिनी डियरा तुक क्यावु यिन। १०च्यिलासिसिन डियराड ख्यिरा मुला वोतुप पेला “सी लाका मिकिवे, तीकी समा साड मासाशी।” सिनी ख्यिराडला टोङ्गु बिन्दुप यिन। ११यिने ख्यिरा पर्ला माङ्शोक मीतिवा छेरा क्यानी लाका मिकिवु ताड मी यम्बी क्यावु लाकाला तोक्सा छोकुप

लाका किनोक सिरुप ति डियरे थोसुड। १२तिवाला डियराड चोवो येशू खीष्टकी मिडला क ताड टोङ्गु तेरिन। तिवा खरक्पा सोक सोके देनी दाक दाक्पी लाका क्यानी सशी। १३अच्युनुपतिवा, ख्यिराड ति लाका ल्यामु कितुपला यिछ्येता माकी। १४सी दी डियरा तड्गुप यिकीला टिवु ताम्डे ति मेङ्येन्वे, तुका मीतिवा ल्यामो क्यानी डो शेनी ज्योक। तिवी मुला तम्जी साड माजो। तमा तिवा डोछाला ख्येल्शी। १५यिन्सिनाड तिवाला डला माजो, यिने रडगी नुपला दोके क्यानी टोङ्गु बिन।

तेरी सिनाड तिङ्मी मोलाम

१६त लोदिमु वोतुप चोवोकी ख्यिराडला चो पेला कनी गल्सिनाड नरी लोदिमु नङ्शी। तमा खो नरी ख्यिरा तेरीकी मुला राड ज्युशी। १७दी यिकी ति ड पावलकी राड टिक च्यिनी तड्गुप यिनो। दी तेरी सिनाड तिङ्ला टसी देलेक सिनी टिवु ति दी यिकी डे राड तड्गुप यिन सिनी ख्यिराडला हाक्को ज्यितुपला डरा लाक्पी राड टिवु यिनो। १८दाक्पी चोवो येशू खीष्टकी कटिन ति ख्यिराड तेरीला थोप्शी।

